


DISCURSUS JURIS PUBLICI
DE
GERMANICÆ NATIO-
NIS IN HODIERNO IMPE-
RII ROMANI STATU PRÆ-
EMINENTIA

Quem

 OPE ET FAVORE DIVINO ADSISTENTE,
&
permiffu ac potestate concessa

A MAGNifico JCTORUM ORDINE IN
INCLUTA AD SALAM ACADEMIA

sub PRÆSIDIO

VIRI NOBILISSIMI, AMPLISSIMI, CONSULTISSIMI
ATQVE EXCELLENTISSIMI

DN. JOHANNIS STRAUCHII
JCTi, & P.P. longe celeberrimi, Confiliarii Saxonici, Scabinatus
ac Curix Provincialis Affefforis graviffimi.

DN. Patroni Promotoris ac Præceptoris mei fingulari
reverentix cultu religiofe colendi,

Publico Eruditorum Examine ventilandum propono

MICHAEL FRIDERICUS LEDERERUS,
Witt. Saxo. AUTHOR.

In Auditorio Jctorum.
ad d. Augufti

J E N A.

Literis SAMUELIS KREBSIL.

Anno M. DC. LIX. 34 1/2.

1759. Martii 16. 6. Lipsiæ

GERMANIA
IN HUNTER
IN ROMAN

ON THE
IN THE
IN THE

IN THE
IN THE
IN THE

IN THE
IN THE
IN THE



I. N. D. N. J. C.

PRÆLOQUIUM,



Am longinquum, tam impeditum, inque tam varia scisum diverticula ad Jurisprudentiæ Arcem est Iter, ut Nemo, nisi improbiſſimis, quibus objicitur, difficultatibus nunquam cedendo, aspera omnia ac dura alacriter pervadat, ad eam adspirare possit. Siquidem cavendum primò & diligenter dispiciendum est, quæ via ipsi ingrediunda sit, nè diverticulis deceptus, erroribusque implicitus vel nunquam vel tardius ad eam perveniat. Et quamvis aliquis devoratis tandem viriliter omnibus molestiis se eò pervenisse gloriari possit, nova tamen subinde emergit cura. In tam edita enim & sublimi rupe posita est Jurisprudentiæ Arx, ut multi eò levare oculos ac tollere aut timeant, aut minus valeant. Adeoque eam ascensurus arctissimis semitis per confragosa & aspera niti necesse habet, quò tandem conspectum non solum, sed ipsam etiam ejusdem possessionem sibi promittere queat. Quod ut eò facilius fieri possit, omnes ambages vitare, & per duas istas in ipso aditu collocatas scalas, quarum una alteri superimposita & quasi adglutinata est, JUS PVBLICUM scilicet & JUS PRIVATUM ascendere convenit. Istà enim Scansili lege procedens infallibilem concipere potest fiduciam, se confestim Jurisprudentiæ Arcem occupaturum esse.

Modò utriusque auxilio in ascensione utatur. Aliàs si per unam saltem ascenderit, vix in mediò constitutus nondum fastigium ipsum ac culmen aggressus est. Quo circa juri privato qui incumbendum unicè ac invigilandum existimant, semetipsos perdunt pariter & alios fallunt. Ad Jurisperiti etenim munus inter cœtera & hoc pertinere, ut Reipubl: proram ac puppim regere sciat, ut præsentem Regiminis statum & conditionem benè probeque cognitam habeat, ut legationibus, conventibus aliisque actibus publicis dignè satis interesse possit, in apriçò positum est. Quæ sicut exjure privato hauriri nequeunt; ita huic soli suam impendens ætatem, ea omnia sibi ipsi polliceri nequit. Multò minus, se ipsam Jurisprudentiæ Arcem occupasse gloriari potest, cum in mediò quiescens nondum in summum evalit. Cum itaque meus quoque Labor cum unice scopum sibi habeat præfixum, ut mihi etiam aliquando Jurisprudentiæ Arcem ascendere liceat, ideoque præsentis temporis rationem præcipere nunquam non existimavi, ut aliquam saltem ætatis meæ partem Juris publici cognitioni consecrarem. Mihi autem privatà meditatione præclarissimas ejusdem materias penitus introspectienti nostra omnium Patria *Germania* reliquas omnes supereminens se aspectandam præbet. Unde ejusdem potentiæ non tantùm, sed in ipsò etiam hodiernò IMPERII ROMANI statu præeminentiæ admiratione captus defixusque, de illà, quantum ingenii mei imbecillitas permisit, hanc dissertationem intra privatos parietes conscribere conatus sum. Protectorem interim *Germania* nostræ omnipotentem ardentibus suspiriis oro rogitoque, ut cæpta mea provehere feliciter ac secundare dignetur. Sit itaque



Nusitata istæ ac insignes victoriæ, quas Germani olim prostratis penitus ac deletis immanissimorum etiam Hostium viribus reportarunt, perpetuis laudibus perennitati temporum à multis retrò seculis consecrata sunt. Aded, ut Annales libros scrutantes & memorias temporum volventes nullam propè gentem inveniant, quæ majorem toti Terrarum Orbi terrorem incusserit, quàm Germanicam. Quod ipsum omnes penè populi optimè recogitantes, summam felicitatem, si ipsis cum Germanis societatis amicæ commercia colere licuisset, judicarunt. Comprobante hoc ipsum Tacitò Scriptorum fide dignissimò, dum Tencteros ad Ubios Legatos misisse testatur, qui hos hòc modò affati sunt. *Redisse vos in Corpus nomenq; Germania communibus Deis, sed præcipuo Deorum Marti gratias agimus: vobisq; gratulamur, quod tandem liberi inter liberos eritis.* Unde etiam Romani, quamvis felicissimi Gentium Victores exstitissent, & arma sua longè lateque circumtulissent, à Germanis tamen sapissimè & acerrimè divexati, cæsi, fusi sunt. Famà tandem eorum per totum Mundum felicissimò cursu lata abolendæ magis infamiæ ob amissorum recuperationem, quàm profecti Imperii cupidine, aut obdigni satis præmii expectationem arma contra ipsos concitata sunt.

Tacit. l. 4.
hystor. p. m.
328.

Tacitus de
moribus
German. p. m.
648.
Id: Annal:
l. 1. p. m. 3.

II. Non itaque fundamentò planè ac ratione destituti sunt, qui vocabulum *Germanus* pro merà Tevtonica dictione habent, & à *Bar & Mann* vel *Bern & Man* conflatam existimant. Quasi vel nihil in ipsis, nisi quod virilitatem quandam ac animi magnitudinem præseferat, reperiatur, vel, quod contra acerrimum etiam Patriæ suæ hostem signa attollere & manus conferre semper

Arum: de
jure publ.
Vol. 5. disc.
2. p. m. 70:
Lammas
de l. P. l. 1.
c. 6. Resak
de R. S. G.
E. l. cl. d. 3.
c. 4. n. 7. p.
m. 118.

paratissimi existant. Sicut Alemanni, à quibus Imperator Justinianus ob victoriam ab iis relatam, se Alemannicum appellat, etiam derivari solent ab *Alu & Man*. Differunt utrique in eò saltem, quod hi Tevtones superiores, illi verò Inferiores fuerint. Utrumque tamen vocabulum Gentem prorsus virilem denotat. Hinc ortum est Verus istud dictum: *Wer in Krieg will Unglück han/der fang es nur mit den Teutschen an*.

III. Germani igitur tam invicta animi alacritate & singulari quadam fortitudine præditi aggredi non tantum maximi momenti audebant Rem, sed conficere etiam patrareque feliciter poterant. Quam enim ratione Imperium Romanum ad Germanos devolutum est, ut ad hodierna usque tempora apud eos remanserit? Præcipuam judico causam bellicas Eorum Virtutes & nunquam satis deprædicanda facinora. Quæ omnia, ut eò magis Germanorum præminentiam augeant, si paucissimis attingam, & ab ovdò, ut loquuntur, repetam, me minimè operam lusurum esse existimo.

IV. Nemini igitur, nisi Historiarum ac Juris planè ignaro ignotus esse potest Incomparabilis iste & excelsæ memoriæ Heros *Narses*, quò unà cum *Belisario* tanquam rerum bellicarum peritissimis Ducibus ad Barbaricas Gentes sub potestatem suam redigendas Justinianus Imperator usus est. Ille, cum ob aliorum invidiam, cui propter potentiam & gloriam ex multis victoriis acquisitam expositus erat, apud *Justinum* II in sinistram suspicionem venisset, ex Italià redire jussus est. Quam injurià *Narses* dictus ita irritatus est ac laceffit, ut talem se velle texere telam dixerit, quæ ægrè possit dissolvi. *Alboinum* igitur Longobardorum Regem ex Pannonià in Italiam evocat, eique ope sua & consiliis tam firma fulcrâ supp-

suis,

B. Myer.
Synt. hist.
pol. l. 2. sect.
4. q. 18. p.
m. 478.

fuit, ut 200. amplius annis Imperium Longobardicum in Italia floruerit. Imperatores enim, qui tunc temporis in Oriente summæ Rerum prærant, Exarchis etiam à Longobardis captis, Italiam tanquam vacuum possessionem relinquere coacti sunt. Romani igitur extra omnem solatii fiduciam deserti hisce miseriis ac calamitatibus diutius conficari nolebant. Auxilium exinde primum Pipini & eò mortuò Caroli M. implorarunt, ut Dominatum Longobardorum frangendo, ipsos ex mediis tristissimi fati faucibus eripiat. Petitis hisce Carolus deferens in Italiam progreditur, & deturbatis non saltem ac pulsis Longobardis, sed ipso etiam eorum Rege *Desiderio* captò totam Italiam sub Germanorum potestatem felicissimè redegit.

V. Reliquos duos Titulos, quibus, legitimò ac quasi divinitus concessò modo Germani in Italià Imperium adepti sunt, si adjungamus, magisque ac magis eorum prerogativa crescere videtur. Et si enim bellica acquisitio, *quà illa, quæ ita acquiruntur, victori cedunt*, hic omnino suffecisset, suffragium tamen non tantum, electio ac voluntas S. P. Q. R. sed ipse etiam Imperatorum in Oriente Constantinopolitanorum Consensus & approbatio Romani Imperii Majestatem in Germanos derivavit. Populus enim Romanus ignominia ac probri notam sibi iniuri existimavit, si acceptà hanc occasionis opportunitate ab *Irene*, tunc temporis, excæcatò filio Constantinò Constantinopoli Imperatrice, tanquam Muliere, publicorum aliàs munerum incapace, ulterius se regipateretur. Populus igitur prædictis insligatus in *Carolū Magnum* Imperium transtulit & sequenti fausta acclamatione per manus Leonis III. Pontificis Coronam Imperialem ipsi imposuit. *Carolo Augusto à Deo Coronato Magno & pacifico Imperatori*

l. 24. ff. de
captiv. &
postl. reo.
§. 5. 17.
Inst. de R.
D.

Dan. Otto
de l. P. c. 5.
p. m. 88.

l. 2. ff. de
R. l.

ratori Romanorum vita & victoria. Cum denique Imperatores Constantinopolitani ob loca admodum dissi-
B. Mycal. syn. H. P. l. 2. S. 93. p. m. 447. Magn. Dn. Carpx. de L. R. c. 2. p. m. 59.
 bellis etiam intestinis & externis mirisè defatigati Italiz amplius succurrere non possent, pax ac fœdus sempiternum inter *Carolū Magnum & Nicephorū*, Irene Augustā expulsa Imperium tenentem, ictum est, ut ille in Occidente, hic in Oriente Imperii habenas regeret. Uterque Augustus, Imperator, Fraterq; Orientis Alter, Alter Occidentis vocitarentur. Quocirca quilibet in propatulo videt, quā ratione Germani præminentiam istam, quā adhuc hodiè omnibus Nationibus antecellunt, in Imperio Romano adepti sint.

VII. Verum ut umbra in sole ambulantes, sic invidia virtutem perpetuò comitatur. Pontificii scilicet Papæ
Bellarmin. l. 1. de Transl. imperis. c. 2.
 adulantes, ut *Bellarminus* ejusque Aseclæ sibi potius hunc honorem ac gloriam attribuere conantur, dum translationem Imperii à Græcis ad Germanos non virtute bellica, neque consensu Populi Romani, nec transactione
Mag. Dn. Carpx. de l. R. m. 17. p. m. 83.
 Imperatoris Constantinopolitani, sed jussu tantum, Authoritate, & confirmatione LEONIS III. Pontificis in personā *Caroli M.* factam esse asserere non verentur.

VII. Sed ventosissimis hisce ac ineptissimis persuasionibus propriis manibus sibi ipsis maculam inurunt, & omnium qui paulò limatioris sunt judicii & remoti ab Affectibus animi cachinnis sponte se exponunt. Nonnè enim recordantur Isti Adulatores Papam tanquam Christi Vicarium hanc potestatem neque de jure neque etiam de factò tunc temporis sibi arrogare potuisse. Unde enim
Reink. de R. S. & E. l. 1. cl. 2 c. 3. m. 19. & seq. p. m. 17.
 , habet mandatum de transferendis Imperiis & creandis Regibus? Ostendant illud Papicollæ, alias ipsis non creditur, quamvis etiam in summò honoris & dignitatis Apice
l. r. C. de mandat. Princ.
 sint

sint constituti. Eterno forsan oblivionis sepulchro recon-
 derunt, Salvatorem ipsum, cujus Vicarium se Papa jacti-
 tat, Caesaris potestati non tantum subiectum fuisse, sed
 etiam censum ipsi dare iussisse. Quomodo etiam Vicari-
 us illud sibi attribuire potest, quod Principalis ipsius se-
 verè inhibuit? Christus enim Petro, cujus successorem
 Papa se nominat, & Apostolis seculare Imperium expressè
 prohibuit, & Regibus Gentium largiter concessit. Unde
 igitur ipse Papa *Leo III.* hanc potestatem Imperium Ro-
 manum ad Germanos transferendi accepit? Nefaria ista
 ac intolerabilis ambitio si paulò accuratius calculum
 ponamus, causa est, quàm ita pontifex auctà potentià infla-
 ricæpit, ut sibi absolutum in omnes Terrarum Principes
 Imperium arrogare & ad oscula suorum pedum adigere
 nunquam vereatur.

VIII. Neque etiam de factò tunc temporis ipsi illud
 efficere possibile erat, cum Italia à Longobardis obsessa,
 & ipse *Leo* à Romanis gravi injurià affectus fuerit. Armis
 igitur & virtute bellicà ad profligandos Longobardos &
 occupandam rursus Italia opus erat. Id quod *Carolus M.*
Germanicà fretus constantiâ, voluntate populi Romani,
 laude nunquam intermoriturâ, ad felicem perduxit exi-
 tum, solis Germanis hanc prerogativam ac gloriam re-
 linquendo.

IX. Galli quoque teste *Bodino* Germanici Nominis
 hoste infensissimo, Pontificiorum exemplum æmulati
 Germanis tantum decus invident, & virulentis manibus,
 ex alio tamen fundamentò, ipsis eripere conantur. *Ca-*
rolum M. scilicet in Galliâ natum, linguâ etiam ac moribus
 & institutis Gallorum unâ cum Majoribus educatum fu-
 isse opinantur. Verum seiplos decipiunt, & alios quo-
 que in eodem erroris laqueos inducere omni nisu con-

tendunt. Etsi enim largiamur, *Pipinum Caroli M. Patrem,*
B. Myral. Childerico Rege quem sic vocabant, Stupitō in Monaste-
d. l. p. m. rium attonso, in Regem Galliæ à Proceribus electum esse,
485.
l. i. ff. ad in ejusmodi tamen controversiis ante omnia ad locum
Municipal. nativitatis respiciendum esse jura docent. Quis itaque

Historicorum Carolum in Galliâ natum esse asserere ve-
lit? Cum unanimi ferè consensu ipsum in pago quodam
seu villâ *Ingelheim* duobus millibus passuum à Moguntia-
no distante primum spiritum hausisse statuant. (Quamvis
Aventinus testante *B. Myralio* dissentiat & eum in Thyrin-
giâ & Saxoniz confinibus conceptum, Caroloburgi au-
tem in Bavariâ natum esse existimet.)

X. Etsi igitur Pontificii vel Galli immensa etiam argu-
mentorū, quibus se suffultos atque instructos esse per-
suasum habent, plaustra in Germanos exonerarent,
nunquam tamen iis obtinebunt, ut ipsis tantam dignita-
tem tantamque præminentiam subtrahere possint.
Summo potius decori ac immortalī gloriæ sibi ducat Ger-
manica Natio, Imperium Romanum hodieque non ab-
solutè Romanum, sed Romano-Germanicum, *das Heilige*
Römische Reich Teutscher Nation, appellitari solere.

XI. Hactenus satis superque probatum est, quā ratione
Imperium Romanum ad Germanos devolutum & ab iis
denominatum sit. Imperatorem quoque seu Caput
Imperiū Romani si consideramus, nemo non in proclivi
videre potest, quantum Germanica Natio omnes alias
nationes in Imperio Romano superemineat. Nullus
enim alius quam Natio Germanus ad ejusdem fastigi-
um anhelare ac Romanæ Aquilæ plumis se exornare po-
test. Exteris equidem omnibus ad tantum tanti Impe-
rii decus via est præclusa. Etsi autem de arcendis iisdem
nulla expressa in *Aureâ Bullâ* reperiatur dispositio, ante
cam

eam tamen *Otto III.* Imperator speciali lege cavit, nè ulli
nisi Germano sceptrum Imperii committantur. Cum
quà vetutissima Germaniæ Consuetudo, quæ tantam vim
habet, quantam expressæ leges & sanctiones habere so-
lent, correspondere videtur. Nec iustitiæ æquitatisque
leges aliud permittunt. Cum enim nunquam satis depræ-
dicandâ Germanorum virtute in personâ *Caroli M.* ad
Germanicam Nationem translatum sit Imperium,
indignum sanè & improbum esset, alienigenam ad tanti
Imperii culmen evehere, & ita prisce ac heroicæ Germa-
norum virtuti, quâ omnes Nationes ac populos super-
gressi longissimè sunt, temerè aliquid detrachere.

XVII. Solenni auctoramento se obligat Elector Mo-
guntinus, quod idoneum Imperatorem eligere velit.
Non itaque video, unde ad regendam Reipubl. Navim
magis idoneum, & ad communes Imperii hostes distur-
bandos longè ac prorsus evertendos aptiorem, quàm ex
Germaniâ Terrarum Reginâ & strenuâ omnium virtu-
tum Cultrice accipere liceat. Verissimè enim Poetarum
Intelligentissimus Flaccus canit:

Fortes creantur fortibus & bonis

Est in juvenis, est in equis patrum.

Virtus, nec imbellem ferosces
progenerant Aquilæ columbam.

Parta videlicet Majoribus Gloria, & insitus Vigor, velut
secunda aura quædam ex Germanicâ Gente oriundum
levare quasi subinde ac tollere potest. Ut hac ratione ipsi
calcarj & vehementiores quasi stimuli subijciantur ad
æmulanda Majorum Exemplâ. Cum enim respicit
in Gentem ac Majores suos, unde ortum suum traxit, tot
tantasque Eorûm virtutes ac præclarissima facinora, qui-
bus famam & nomina sua omnium seculorum memoriæ

inscripserunt, recensendo, facile intelligit, quod contendendum sibi assidue & in quod ponenda ipsi opera cum primis ac studium, si sequi vellet.

*Stet. dest. ar.
Relig. l. r.
p. m. 15.*
XIII. Neque etiam ulla ad extraneum admittendum suadet Ratio, vel urget Necesitas. Cum vel invidia ipsa inficias ire nequeat, nullibi illustriores, quam in Germania, Principum prosapias inveniri. Id quod Elector Trevirensis in presenti Coelectorum inter cetera sapientissimè monuit: *Fuit, inquit, semper illustre Germania Principum Nomen & fama celebris: ea nondum est extincta, sed viget incolumis, & sunt inter alias, Germania tres hodiè familiae, Bavarica, Saxonica, Brandeburgica: sunt in illis nonnulli praestantes Viri. Si quem igitur ex illis rerum summa praeficiemus, & nostris copiis adjuvabimus, ut certè debemus, non est quod exteros metuamus: modò idem sentiamus & velimus omnes, in tutò Res erit. Omissis ergo peregrinis è mediò nostrorum hominum catu quempiam deligamus: non deerit successus, & sunt Testimonia multa domestica nostrorum Virorum.*

XIV. Nec bonum commune ac salus publica aliud exigere videtur. Et si enim Extraneus quoque interdum Reipubl. benè praesse, eamque laudabiliter gubernare possit, ingenio tamen, lingua, moribus omninò alienus est, ut eam benevolentiam subditis exhibere nequeat, ac si esset Indigena. Quantum enim consuetudinis sit imperium, quantique emolumenti res sit, si Princeps populi, cui regendo tanquam caput praepositur, mores optimè cognitos habeat, seque illis assuefecerit, experientia docet. Quod sanè de eò, qui ex Germanicà Natione oriundus est, summò jure pronunciari potest, quippe qui ipsam linguam, mores & magnanimum illum ac generosum spiritum ab incunabulis quasi hausit.

Quan-

Quantum econtra malorum ex eâ Re, si Extraneus ad Reipubl. Romanæ clavum admitteretur in hanc & subditos omnes redundaturum sit, in apricò positum est. Sæpiissimè enim larga hòc modò ad dissensionem, seditionem ac turbas non sine manifesto quietis publicæ detrimento, se offerret occasio, si extraneus adscitus, Imperium ad se delatum fortunasque suas defendendi causâ, alienos & extraneos milites & copias adduxerit, quarum præsidio se munire possit. Et si forsân hi deinceps singularibus beneficiis atque honoribus ab eò condecorati fuerint, acerbissimam ipse invidiam ac odium subditorum in se concitat.

XV. Quæ omnia accuratissimâ perpendsens trutinâ Elector Moguntinus, *sciens esse*, expressè dicebat *nostra* *Sleid. d. l. p. m. 12.*
Gentis aliquem creari, qui sit idoneus exemplò Majorum, qui sapè præteritis externis, contenti fuerunt indigenis. Saluberri-
 mum sanè Consilium. Cavendum enim & omni ope contendendum nè decus Imperii ad externos transferatur. Metuendum aliàs valdè esset, si extraneus gubernacula Imperii teneat, ut ipse creptis Electorum suffragiis dignitatem Imperii familiæ suæ perpetuam conservare allaboreret, sicut Elector Maguntinus de Hispanis suspicatus est.

XVI. Minimè igitur improbandus, sed collaudandus potius est mos hæcenus observatus, quò Electores familiam Austriacam ultra 160. annos quoad actum Electionis non sunt egressi. Quicquid etiam Bodinus more solitò, *Arum. de P. Sol. 3. dis. 8. n. 52. P. m. 264.*
 hîc iterum prætendendum habeat. *Imperium scilicet Germanorum in Gense Austria rerum gestarum gloriâ clarissimâ tam alte radices egisse, ut ejus evellendi vix spes aliqua videatur.* *Bodin. l. 2. c. 3. in fine. P. m. 310.*
 Propterea enim nec libertati Electionis, quam Electores habent liberrimam, aliquid detrahitur, nec domui Austriacæ ullum aliquod jus exinde accrescit. Ele-

Stoi. l. 7. de
Sratu relig
in fin. p. m.
122.

atio enim & iudicium Electorum ; non verò familia Electorem constituit. Neque etiam ista ratio tanti momenti est, ut Imperium Romano Germanicum successorium esse evincat. Propter potentiam enim, honorem, benè merita Antecessorum, & quia familiæ istius Regna sunt veluti murus aliquis pro salute totius Germania oppositus immanitati Turcica, nisi pragnante causa & urgentissima necessitate Electores eam derelinquere nolunt.

XVII. Imprimis quoniam summâ cautione & gravissimâ deliberatione, nè electioni liberæ quisquam præjudicare existimet, illud Capitulationis membrum adinventum est, in quod Electi Imperatores hõc modò jurant: Und insonderheit sollen und wollen Wir keiner Succession oder Erbschafft / des obgemelten Römischen Reichs anmassen / unterwinden / noch in solcher Gestalt unterziehen / oder darnach trachten / auff uns selbst / unsere Erben und Nachkommen / oder auff jemand anders unterstehen zu wendenden / sondern Wir / dergleichen unsere Kinder / Erben und Nachkommen / wollen die gemelte Churfürsten / Ihre Erben und Nachkommen / zu ieglicher Zeit bey Ihrer freyen Wahl eines Römischen Königs: Dieselben so ofte sie es einem Keyser zu Behülff / oder sonst dem heiligen Reich nützlich und nothwendig befinden / auch bey Lebzeiten eines Römischen Keyser / mit oder wenn derselbe auff angelangete Witte der Churfürsten / ohne gnugsahme erhebliche Ursachen verweigert werden soll / ohne eines regierenden Keyser Bewilligung vorzunehmen / Auch die Vicarien wie vor alters her auff sie kommen / die gülden Bull / Papstliche Rechte / und andere Gesäz und Freyheiten vermögen / so es zu fallen kömmt / und die Nothdurfft und Gelegenheit erfordern und bey
ihren

ihren gesondern Rath/ in Sachen das heilige Reich be-
stehend geruhiglich bleiben und ganz unbetrangte lassen. etc.

XVIII. Accedit his quod in Regno Electivò quoq; Agna-
ti ipsius defuncti proximi in considerationem quoad
electionem venire soleant, ex hoc tamen illud non ampli-
us electivum esse, sinistrè concluditur. Quod in poten-
tissimis etiàm Regnis usu venire solet. Quis enim infi-
cias ire potest, Danorum ac Polonorum Regnum Electi-
tium esse? Nihilominus tamen Regum filios vel Agnatos
preferre solent, certissimè persuasi, eos, ut cœterorum
bonorum, sic quoque paternæ virtutis hæredes ac suc-
cessores esse futuros. Sitamen contingeret, ut Electo-
res familiam Austriacam relinquendi gravidas habeant
causas, & in alià aliquà familià ad imperandum aptiorem
inveniant, illum in solum Imperiale votis suis sublimare
non vetantur, modo ex Germanicà natione originem
suam duxerit, vel Germanicis parentibus natus fuerit.

XIX. Neque enim adeò strictè requiritur, ut in Im-
peratorem eligendus intra limites Germaniæ primam
aspexerit lucem, sed sufficit si Patre vel Avò paternò Ger-
manicò, licet extra Germaniam, natus fuerit. Sicut aliàs
etiam Filius Civitatem, ex quâ Pater ejus originem duxit,
non domicilium sequi solet, nec tam locus, in quò
quis nascitur, inspicitur, quam personæ, ex quibus na-
scitur. Quæ non tantum in Patre sed etiam in Avò pa-
ternò locum habent. Sic Fridericus II. Imperator, etsi
in Sicilià ortum suum duxerit, quia tamen Henrico VI.
Imperatore, Germanò natus erat, rectè ad Imperii Cul-
men evehctus est. Ita etiam Ferdinandus I. in Hispanià
prognatus est, propter Avum tamen Paternum Germa-
num Maximilianum I, quem nactus erat, in Imperatorum
numerus jure electus & adscitus est.

*Mag. Dn.
Carpz. de
L.R. l. 11. p.
213.
l. 6. §. 1. ff.
ad munic.
l. 3. C. de
Municip.
C. Ovig.
Reink. de R.
S. C. E. l. 1. c.
cl. 3. c. 4.
n. 13. p. 114.*

*Theof. 7. de
Republ. c. 15
m. 18.*

XX. Rejicienda igitur penitus ac explodenda est Gal-
lorum opinio, quâ Reges suos ad Imperii Romani culmen
evahi posse sibi persuadere amarunt, moti ex eò non tan-
tum, quod Reges Gallia sint ex stirpe *Caroli M.* atque ita
candem cum Germanis originem nacti sint. Quò argu-
mento etiam Legati Gallici ad recommendandum Ele-
ctoribus Regem suum Franciscum usi sunt, sed etiam quod
Electo Trevirensis se appellitet Cancellarium Gallia,
sicut Moguntinus per Germaniam & Colonienſis per Ita-
liam Cancellarii vicem obtinent. Jus ergò quoddam in
electione Regibus suis assignere vel attribuire conantur.

*Sleid. de
statu Relig.
l. 1. p. m. 14*

*P. Heigius.
l. 2. q. 5. n.
17.*

XXI. Verum etsi lubens concedam, Gallos à Germa-
nis originem duxisse, extra omnem tamen dubitationis
aleam positum est, illos ortus sui oblitos & succo sangui-
neque Gallicò imbutos naturam Germanorum prorsus
exuisse. Adeò ut hodiè pro extraneis penitus sint habendi.
Sicut igitur ipsi Galli peculiarem aliquam legem,
quam Salicam vocant, & firmissimum Regni Gallici fun-
damentum judicant, sancivère, quâ ita extraneis omnem
ad Regnum Eorum spem ademerunt, ut etiam fœminas
& descendentes ex iis excludere maluerint; Ita quoque
Germanis hæc lex quasi fundamentalis posita est, ne decus
Imperii ad Alienigenas transferatur, ut vigente eà Impe-
rium in gente Germanicâ floreat, eâ verò semel neglectâ
concidat paulatim necesse sit. Sapientissimè igitur &
affectu in Germanicam Nationem planè paternò Mogun-
tinus Regem Gallia eligendum esse cæteris Còelectori-
bus, & quidem imprimis Electori Saxonia, cujus per-
magna semper, Teste *Sleidano*, erat auctoritas, dissuasit,
inter cætera hæc adducens verba: *Gallum quod attinet,
legibus nostris & jure jurando nos arbitror impediri, quibus*

*Sleid. de stat
Relig. l. 1.
p. m. 12.*

cantum est, nè decus Imperii transferatur ad externos. quin autem peregrinus ille sit Princeps, nulli dubium esse puto.

XXII. Caterum non sufficit Caput Imperii Romani ortum suum ex Germaniâ trahere oportere, sed in eò etiam singularis Nationis Germanicæ præminetia & dignitas superflue elucet, quod Electores quoque Caput istud constituentes ejusdem Nationis esse debeant. Cum enim perpetuâ & in Hæredes transitoriâ gaudeant dignitate, non potest non propter continuam successionem Imperator à Principibus ex Germaniâ oriundis eligi. Hinc ista maximè ardua & inter Doctores Juris publici exagitatissima suboritur quæstio: *An Rex Bohemiæ ad actum Electoralem sit vocandus?* Minus rectè sentire videntur, qui hoc ipsum in dubium vocare, & jus eligendi ipsi Regi Bohemiæ temerè denegare haud erubescunt. Cum in *Aureâ Bullâ* ei non modò illud expressè concessum sit, sed etiam constitutione Ruperti Vicarii & Rudolphi I. disertè confirmatum. Nomine autem & privilegio eligendi concessò ipsum quoque officium, quod iis indigitatur, concedatur necesse est. Verba enim absque effectu non sunt intelligenda. Hinc illud *Ladislaus Rex Bohemiæ* agrè admodum tulit, quod in Electione Maximiliani I. prætergressus fuerit, adeò ut arma etiam se illaturum minatus sit, nisi pactò & transactione, Eum imposterum nunquam prætereundi, sub penâ 500. Marcarum Auri interpositâ ea res decisa fuisset. Neque alio colore prætergressum prætexere poterant Electores, quam quod propter urgentes & maximè necessarias causas ad subitariam Electionem convolare necesse habebant.

XXIII. Nihilominus tamen inter Germanos etiam scriptores contrariæ & negativæ sententiæ suffragatores inveniuntur, inter cætera hanc urgentes rationem, Bohe-

*Limn. de s.
P. l. a. c. g. m.
17.*

*A. B. s. r. 4.
7.
Beriv. de
Comit. m.
31. apud A.
rum: Vol. 2.
dis. 9. p. m.
46.
l. i. s. r. ff.
quod quu-
que jur. in
literum. 4.
s. s. 2. ff. ne
quis cum
qui in ius
vocatus.*

*P. de Andlo
de Imp.
Rom. l. 2. q.
2. Grant.*

l. 8. Saxon. mix Regem Pincernæ quidem officio fungi, sed non eli-
c. 5. & alii gere, quia non est Tevtonicus, *Der Schenk des Reichs*
citati a *hat keine Wahl / darumb daß er nicht teutsch ist.* Verum
Bertram. quamvis Bohemi quæ Bohemi slavonico utantur sermo-
d. l. ne, Bohemia tamen Germaniæ portio esse non desinit,
lib. 3. Land- cum lubrica hæc sit ratio & falsum enunciatum, *Bobemi*
recht c. 57. loquuntur Germanicè, Ergo Rex Bobemia non est Elector, se-

Limnau
de. r. p. l. 3.
a. 8. n. 62.

Imperiò Germanicò, & Imperatorem tanquam Domi-
 num Feudi agnoscat, & juramento fidelitatis ipsi obstri-
 ctus sit. Id quod clarissimè demonstrat exemplum *Otto-*

Rumelin:
ad A. B. c.
29. Reink. l.
1. cl. 3. n. 35.
p. m. 160.

cari, qui in genua procidens admirantibus etiam Bohe-
 mis Rudolpho I. Imperatori homagium præstitit. Quan-
 quam etiam Bohemiam ad Germaniam pertinere ex su-
 perfluò mores non tantum, quibus utuntur, Tevtonici,

Limnau
d. l. n. 64.
Magn. Dn.
Carpp. d. L.
R. c. 5. p. m.
122.

fatis superque probent, sed etiam, quod populis Germa-
 nicis undique circum septa & cincta est. Quibus accedit,
 quod etiam in aliquibus templis tevtonicè concionetur.

Limnau
del. n. 15. &
seq.

Manet igitur verissimùm, Regem Bohemiæ ad actum Ele-
 ctoralem & quidem semper vocandum esse, non secus ac
 ceteros Electores, inprimis quia ipse non modò primum
 inter Electores seculares obtinet locum, sed etiam multa
 singularia, egregia privilegia & prærogativæ præ ceteris
 Electoribus ipsi concessa sunt, quas hic recitare neque
 propositi, neque temporis ratio ex postulat.

XXIV. Ex prædictis *ὁφθαλμοφανές* patescit, quan-
 tam gloriam, quantamque præeminentiam sola Germa-
 nica Natio in hodiernò imperii Romani statu, quoad ele-
 ctionem summi totius imperii capitis sibi vindicare ac
 appropriare possit. Ulterius si progrediar, & ipsos eti-
 am Officiales, quorùm humeris primaria & principalia
 in imperio officia sunt imposita, penitus considerem,
 nullos

nullos alios quàm Germanos ad hæc evehendos esse invenio. Nec immeritò. Cum enim summus Magistratus crescente magis ac magis Republ. & litium multitudine omnia expedire nequeat, necesse est, ut tales, qui vicem ipsius in judicando sustineant, saluberrima consilia subministrant, atque ea, quæ ad salutem publicam ac communem faciunt, nunquam cessante curâ perpetuò observent, constituat. Aliàs enim, si Respubl. ignaris regenda conceditur, omnia pessum ire & detrimenta ubique ac damna irrumperere oportet. Quibus Imperator Romanus virilius ac melius succurrere nequit, quam si Germanis primaria in Republ. Romanâ gubernanda committat officia. Si enim maxumè præcipuum & omninò necessarium Regiminis caput est, nosse Rempubl. & Civium linguam ac mores benè cognitos habere, nullos alios aptiores esse opinor, quibus principalium in Republ. Romanâ officiorum partes sunt concedendæ, quam Germanos, qui in eâ nati juxta ac educati sunt. Quæ omnia Veneti seriâ æstimatione reputantes januam ad Reipubl. gubernationem perveniendi peregrinis penitus præcludunt. Helvetii quoque in regiminis administratione iisdem nullum relinquunt locum. Et apud Belgas speciali jure cautum est, nè peregrini vel extranei muneribus publicis præficiantur.

*Arum. ad
tit. 2. A.B.
disf. 2. et ex
co Magnif.
Du. Carpz.
de L. R. T.
10. p. m. 205.*

XXV. Neutiquam tamen altò silentiò hic prætereundum judico, quod vocabulum *Germania* liter & strictius accipiat, ac in lege istâ fundamentali quæ de Imperatoris electione agit. In hæc enim, ut supra dictum, non adeò necessariò requiritur, ut in imperatorem eligendus intra Germaniæ limites natus sit, sed sufficit, si extra Germaniam, modò patre vel Avo paternò Germanicò prognatus fuerit. Ad illos autem, qui imperialibus officiis in imperio Romanò sunt præponendi, strictè ac

simpliciter requiritur, ut in Germaniâ in lucem editi fuerint. Ad quod servandum Imperator juratâ etiam promissione se obstringere ac obligare tenetur. Hinc in capitulatione quâ imperatoria potestas velut frenis sistitur & retinaculis, hæc quoque repériuntur verba: Wir sollen und wollen auch unser Königlich und des Reichs Kempter/ am Hoff und sonst am Reich auch mit keiner andern Nation, dann geböhrnen Teutschen die nicht niedriges Standes noch Wesens/ sondern nahmhaftige ehrliche Leut/ vom Fürsten/ Grafen/ Herren vom Adel/ und sonst niemands/ als die uns und dem Reich mit Pflichten und Diensten verwandt seyn/ bestellen etc. ubi maximè notanter illa verba sunt adjecta, mit keiner andern Nation, denn geböhrnen Teutschen/ ut præcisè requiratur & ipsa efflagitet necessitas, muneribus ejusmodi primariis præficiendos in Germaniâ natos esse.

XXVI. Neque tamen aliquis exinde ritè rectèque concludit, officia publica quibusvis etiam incapacibus, ineptis & in infimâ conditione & sorte constitutis hominibus injungi posse, modò in Germaniâ natis. Hoc enim rationi & virtutibus benè imperandi minimè conveniret. Sed mens verborum istorum in terminis habilibus est interpretanda & intra certos limites acceptanda. Tales quippe Germanos intellectos volunt, qui partim stirpè vetusta ac familiâ præclarè sunt condecorati, partim insignibus suis virtutibus Nobilitatis culmen ac fastigium conscenderunt. Id quod ultima ibidem adjecta satis superque indicant verba.

XXVII. Cæterum quantum emolumentum Reipub. comitia ac conventus afferre soleant, sapienter Romulus Primus Romanorum Rex innuere voluit, quando, etsi multa alia etiam præstantissima jura senatui & populo con-

concessisset Majestatem redolentia, ut *Magistratus creare, leges sancire, debello decernere*, populum tamen convocandi *Forst. in hist. Rom. l. 1. c. 6. p. m. 31.* senatumque cogendi potestatem sibi tantum reservavit. Omnis enim ferè imperii administrandi vis ac potestas *Dionys. Halicarnas. l. 2. p. m. de Jurisd. Imp. Rom. l. 2. c. 2. n. 48. p. m. 364.* penes comitia est, ita quidem; ut Reipubl. Romanæ salus *Clapm. de arcan. Re- rum. l. 1. c. 14. p. m. 23.* unico illò consiliorum præsidio, quæ Imperator cum statibus imperii in comitiis inire solèt, tanquam firmissimo stabilimenro innitatur. Hinc Veneti, qui jam diu immortalem adepti sunt gloriam, nullum sanctius atque antiquius jure Comitiorum existimabant, optimè recognoscantes, in eò maxumam imperii Majestatem ac dignitatem elucere. Quò itaque nobilius est, eò magis etiam nobilitas Germanicæ Nationis ac præminentia extollenda nobis ac reliquis omnibus præferenda venit. Quæ sola sibi gloriari potest, Imperatorem, antequam summam imperii potiatur, ex præscriptò Electorum inter alia hoc quoque juratò pro mittere teneri, se extra fines & limites *Slej. de stat. Relig. l. 1. p. m. 17.* Nationis & imperii Germanici nullos conventus agere velle. Cum enim Electorum, qui vicem omnium statuum obtinent, consensu locus sit determinandus, illi sanè partim ob multà hinc inde imminencia pericula, partim in gratiam reliquorum imperii statuum ob conveniendi difficultatem extra Germaniæ limites nunquam conventus instituere permittent.

XXVIII. Cum autem Imperator promissioni datæ satisfacere nequeat, nisi accuratè sciverit, quanam loca ac provinciæ pro Germanicis sint habendæ, & materiæ quoque nostræ ratio illud exposcere videatur. Ideoque gravissimam istam quæstionem, *Quousq; Germaniæ fines se extendant?* annectamus necesse est. Falso hærent, qui eos pro Germanis judicant, qui fœdere contra communes hostes cum his fuerunt juncti. Nam asciticia illa Amici-

*Bertr. de
Comitiis n.
43.*

tia conjunctio, tantum robor tantamque firmitatem non habet, ut illi propterea Germanis sint accensendi. Quippe quæ, quotiescunque placuerit, mutari annihilari, & in cineres redigi potest. Imò ex illà amicitia interdum implacabilis inimicitia & truculentissimum bellum, ut experientia quotidiana, proh dolor! satis demonstrat, exoriri potest. Adeò, ut illa confœderatio nihil planè conducat, quo Polonia, Russia, Dania, Norwegia &c. quæ contra communes hostes cum Germaniâ fuerunt junctæ, inter Germanicas proyincias veniant recensendæ.

*Magn. Dn.
Carpz de L.
R. c. f. p. m.
120.
Guth. l. 1.*

XXIX. Neque veritatem ipsam, sed opinionem saltem ejusdem ac umbram sectantur, qui eos inter Germanos numerandos esse persuasum habent, qui à Germanis originem suam repetunt. Licet itaque Galli & Angli Germanos, tanquam Parentes suos vel Avos recognoscant, neutiquam tamen propterea pro Germanis sunt habendi. Et si quoque olim maxima inter Germanos, Britannos & Gallos linguæ fuerit cognatiodialecto tantum discrepantia. Equè tamen hodiernò tempore in Britannia, quæ Güntherus de Gallia pronunciavit, locum satis superque obtinent:

Cum simul à nostrò secessit Gallia Regno
Nos priscum regni morem servamus, & illa
jure suo gaudet, nostræ jam nescia legis

*Bertr. de
comitiis
d. l.*

XXX. Veteres tandem Geographos si consulimus, illi quidem Germaniæ fines aliò, sed eodem ferè recedenti metiuntur modò, illos Germanos proprie sic dictos statuentes, qui in districtu à mari Balthicò versus septentrionem, Rhenò versus occasum, Danubiò versus meridiem & Vistulà versus orientem degunt. Verum sicut diversæ se offerunt causæ, quæ Respubl. partim conservant atque custodiunt, partim perimunt eas ac solvunt, & ita interdum

dum earum faciem immutent, ut illas velut alium habitum induxisse nemo non opinari possit; Ira quoque nec hic diversi generis defuere causa, quæ fines istos Germaniæ jam diu mutaverunt. Cum in Urbibus illud interdum contingat, ut terminos incrementi & decrementi habeant ambulatorios, Nec flumina etiam eodem semper decurrunt sinu, sed secundum diversos diversi temporis motus quandoq; latius terram fluctibus suis inundandò, interdum angustius dilabuntur. Multò magis igitur de tot tantisque provinciis ad Germaniam pertinentibus asserendum erit, fines istos ac terminos supra dictos jam diu immutatos esse. Imprimis cum ultra Rhenum & Danubium multæ potentissimæ Regiones in linguam, potestatem & nomen Germanicum commigrarint.

XXXI. Quamvis autem Neotericorum Geographorum sententia suò modo non sit rejicienda, quæ Germaniam à Septentrione mari Suevico, Balthicoque & Dania, ab Ortù Sarmatia Europæ & Ungaria, à Meridie Italiâ & Sabaudiâ, ab Occasu Belgio & parte Galliæ claudi existimant Nihilominus tamen in hisce dubitationibus illam arripiendam esse opinionem censeo, quæ Nationes non amplius Montium situ aut fluminib; discerni statuit, sed potius ubi Mores, ingenium & Lingua secundum sapientissimum Electoris Trevirensis monitum finiuntur, ibi quoque Germanica Natio terminum suum adipiscatur. Quibus Jurisdictio etiam est adjungenda, quæ perpetuò territorio cohæret, ut quousque Jurisdictio imperii agnoscatur, eo usque etiam fines Germanicæ Nationis se extendant. Quæ omnia si Imperator benè probeq; observaverit in Comitiorum indictione, juramento præstito omninò satisfecisse videbitur. In quib; econ tra provinciis neq; Jurisdictio, neq; lingua obtinet, illæ quoq; ad Germani-

*Coln. comp.
Geograph.
l. 2. c. 4. p.
m. 134.*

*Steid. l. 1. de
statu relig.
p. m. 12.*

eam nationem non sunt referenda. Ex quò patescit nec Batavos Germanos, nec Belgiam Germaniæ portionem esse, quippe quæ imperii Jurisdictionem non agnoscit, sed ab omni imperio exempta multos alios Principes potentiâ & divitiis superare creditur.

XXXII. Manet igitur immotæ veritatis soli Germanicæ Nationi eam præminentiam competere, quod Imperator Romanus extra limites ejusdem conventus indicare jurejurando prohibeatur. Quam prærogativam non tantum ad Comitia, quando Electores ac status imperii ad decernendum aliquid Reipubl. causa congregantur, sed etiam ad Concilia, in quibus Viri ex propriis & etiam diversis locis idonei Reipubl. Christianæ & communis omnium salutis causâ ad commodum Ecclesiæ conveniunt, extendendam judico. Cum enim maximi momenti circa placidam Religionis collationem solam Ecclesiæ utilitatem spectantia in conciliis pertractari soleant negotia, plenum periculosa alex opus esset, ea extra Germaniæ fines instituere. Facillimè enim dolus ac impostura subesse potest, cum sæpissimè tam extremæ impietatis & tam desperatæ pravitatis homines reperiantur, qui impedimenta hinc inde & obstacula illis asferre strenuè laborant.

*Sleid. l. 1. de
statu Belg
p. m. 148.*

XXXIII. Id, quod Protestantes anno 1535. accuratè perpendentes in nullum planè locum à Pontifice in Italiâ electum consentire voluerunt, partim propter belli suspicionem partim propter diversæ Religionis professionem. Et quamvis Pontificis Legatus ea propter gravatus objecisset: *Periculosum esse in Germaniam venire, neque ibi liberè posse pronunciari*: Sapienter tamen Protestantes respondere: *banc nimirum esse causam cur imprimis ibi conveniri oporteat, quò videlicet rectè & ordine disceptentur controversiæ,*

*Id. d. l. p. m.
150.*

*versis, & libera sine iudicia neq. per vim aut factiones absterre-
antur Viri boni, quò minus liberè sententiam dicant, quid au-
tem esse queat in Germaniâ periculi, ubi Principes omnes atq.
Civitates ita sunt constituta ut externos ab omni injuriâ defen-
dant & magnò studio conservent.* Salus igitur & quies
publica non tantum, sed ipsa etiam necessitatis lex expo-
stulare videtur concilia intra Germaniæ fines saltem indi-
cenda esse.

XXIV. Ex hætenus dictis satis constare existimo,
quantam præminentiam Germanica Natio in hodiernò
imperii Romani statu, non tantum quoad ipsum imperi-
um, quod ad eam translatum & sic denominatum, Impe-
ratorèm eligendum, Electores & principalissimos Offici-
ales, qui omnes ex Germanicâ Natione ortum suum tra-
here debent, sed etiam quoad nobilissimum illud Comi-
tiorum & Conciliorum indicendorum Jus, quod intra
ejusdem saltem fines exerceri debet, nacta sit, & ad ho-
dierna usque tempora integram reservavit. Quæ ut illu-
strior & magis præclara evadat, atque Extranei extra om-
nem planè spem in imperiò Romano-Germanicò ponan-
tur, graviter constitutum est, ut Literæ ac rescripta non
aliò quàm latinò vel Germanicò sermone conscribantur.
Hinc Imperator in capitulatione hæc quoque promittere
tenetur, quando jurat: *Darzu in Schrifften und Hand-
lungen des Reichs keine andere Zung und Sprach brauchen
lassen/denn die Deutsche oder Lateinische Zung. Es were
denn an Orten da gemeiniglich eine andere Sprach in Übung
were und in Brauch stünde/denn alsdenn mögen wir Uns
und die Unsrichen/ uns derselben daselbst auch behelffen.*
Quæ Constitutio sanè non minus imperii quàm Nationis
Germanicæ dignitatem magisque ac magis extollit.

*Sleid. l. 1. de
stat. Religi-
m. 17.*

XXXV. Neque imperiū, quod ad Germanos translatum, Majestati aliud conveniret, quàm ut præter animum Heroicum ac virtutem Germanorum incomparabilem ipsa etiam lingua in summò colatur vigore ac conservetur. Magistratus sanè Romani inter cœtera obtinendæ gravitatis & populi Romani Majestatis causâ illud quoque magnâ cum laude custodiebant nè Græcis unquam nisi latinè responderent. Imò illos per Interpretem loqui cogeabant non in Româ tantùm, sed etiam in Græciâ & Asiâ. Atque hæc ideò tam strictè observabânt, ut latinæ vocis honos per omnes gentes venerabilior diffunderetur. Neque Imperator Romanus Majestatem imperiū sui melius ostentare & virilius conservare potest, quàm quod in rescriptis, edictis, decretis ac responsis suis nullò alio quàm Germanicò sermone utatur. Et quare sacratissimi Imperatores Romani aliam linguam quàm Germanicam magis sibi commendatam cupient, utpote cujus tanta est dignitas & Majestas, ut cum aliis omnibus non minus de elegantia, quam exquisitorum & selectissimorum verborum circumductione & periodorum decenti amplitudine & tractu certare possit.

XXXVI. Caterum ob perpetuam Imperii Romani ad Germanos translati memoriam latina lingua hodieque debito honore recolenda & omnibus industriæ viribus addiscenda est. Nec aliud necessitas ipsa permittit. Cum enim Romani totum ferè terrarum Orbem sub suam potestatem rede gissent, animis æquè subjecere, omnem Rempubl. & Civilem societatem absque legibus ad ruinam & interitum vergere. Ideoque leges suas latinò sermone proponebant, prælegebant, in scriptum redigebant, & secundum eos Res à Procuratoribus agere volebant. Cum autem illis legibus adhuc hodiernò tempore

*Valer. Max.
fact. me-
mor. l. 2. c. 2.
p. m. 56.*

*Clapmar.
de arcem.
Rempubl.
l. 3. c. 22. p.
m. 129.*

pore sua afferatur auctoritas, omnino latina lingua non floccipendenda, sed maximâ diligentia excolenda est.

XXXVII. Nec est, quod mihi aliquis caput ultimum Aureæ Bullæ opponere & venditare gloriosius velit, quasi in eò Germanicæ linguæ & per consequens Nationis præminentia aliquid detrahatur, quod Carolus IV. iussit, *Electoriū secularium filios vel heredes ac successores à 7. annis sua anno in Grammatica, Italica ac Sclavica linguis instrui,* & quidem rationem suam ac fundamentum adjiciendo, *quod scilicet illud non solum sit utile, sed etiam summè necessarium habeatur, eò quod illa lingua ut plurimum ad Usus & utilitatem sacri imperii Negotia ventilentur.* Verum quamvis illud de isto temporis statu intelligendum esse existimem, quò adhuc provinciæ istæ in quâ sclavica lingua & aliæ ex eâ manantes observantur, Imperatorem Romanum tanquam Caput recognoscebant, postquam autem imperium decrescere pedetentim ac minui cepit, ut in multò angustiores terminos redactum fuerit capitulationibus constitutum est, ut in scriptis vel actis latinum vel Germanicum tantum idioma usurpetur; Nihilominus tamen propterea Carolus IV. Electorum secularium filiis exoticas istas linguas addiscere præcepit, quia earum cognitio Principis auctoritatem mirificè augere & maximam utilitatem afferre solet. Imprimis quando Legationes Vicinorum aliorumque audire debeat. Alias enim minimè congruum esset & salutis publicæ conveniens, si ipsi semper ad interpretem quasi confugere, ejusque operâ in gravissimis sæpe negotiis uti, eaque ipsius fidei concredere necesse haberent. Imò quod magis est, cum interdum copia alicujus interpretis non possit haberi, alienò interprete uti cogantur. Id quam salutare sit eventus sæpè docere solet. Hæc omnia Imperator Carolus IV. gravissimâ deliberatione secum agitavit, & Electo-

rum

*Rumelin.
ad A. B. 4.
30. diff. 6.
rb. 18.*

rum filiis propterea exteras linguas præter teutonicam,
quam in d. c. 30. præsupponit, addiscendas singulariter
commendavit, præprimis quia ipse easdem eruditè
calluit.

Atque hæc sunt pauxilla ista, quæ de Germanicæ
Nationis in hodiernò imperii Romani statu præeminen-
tia pro temporis ratione & ingenii mei tenuitate pro-
ferre volui ac potui. Quanquam enim arduum omninò
sit negotium & vires meas longissimè exsuperet, hanc
materiam, in quantum mereri præstantia ejus ac nobilitas
potest, dignè satis enucleare, delineasse tamen, in quan-
tum licet & permissum est, faciliè invenit excusationis co-
lorem. Ardentissimo igitur votò finire placet, ut Deus
omnes omnium hostium machinationes ab aris Germa-
niæ desideratissimæ nostræ patriæ ac templis, à laribus
ejusdem ac fortunis arcere longè ac defendere velit. Quò
jucundissimum Pacis sidus plenam & exoptatissimam
lucem per omnem Germaniam undique dispergere
nunquam desinat. Fax it hæc

DEUS.



CUI SIT LAUS ET GLORIA.

